

Dot Wuta.

Eck si jebure en hab ein grotet Deil von mien Lewe en einer ziemlich drehjer Gegent met heite, seja lange Sommasch, maunchmal uhne einen einzigen Rejen,vebrocht.

De prallende Sonn bruud de Ed so dol ,dot dei stockdrecht weh. Wuta wurd ewaaul jebrockt, une Wuta wos nuscht.. Wuta wej ons Frind en wie freide ons ewa jidren Drepp wot von Himmel foll.Wan von Buwe nuscht kaum wurd jewessat met dem Wuta wot vonne Boi kaum. Em Sommer fung on tu daue die Schnei,die oppe Boispetze lag, en dot Wuta wurd tum wessre jenumme.

Uba Wutta weh uck ons Fiend. Dot hawt schon maunchmul veel Schude aujerecht. So weret uck dit mul.

Johr 1982.Eck endete dei10 Klauss. Juni Monat – grud en die Tiet, wo eck aule Prüffunge auflale muß. Werent de Wiedahuhlung von jewessen Materiul de School Prograum toum Ecksamen trock sich gaunz jurlich, ut dem heitren Himmel, Wolke auf. Dot wurd dista, donnerte Poa mul en fung aun tu hogle. Dot hogelte so dol, dot die Ed witt weh. Gonz kort- en die Sonn schiente wada, auls nuscht jewese weh.

Wie wuste schon, dot dot jewt, uba dot dot so schlem woht, dochte wi nicht.

Dotls daut em Nu, daut Dauwutta saumelde sich en einem groten Strom en rollt vonne Boi oppet Darp hertou. Dot Wuta naum olles wot oppem Wach weh met en fraut aulles en sich. Von wieten sahen wie die rollende Dajck, uba die Krauft,waut die haud, spehde wi blos aus die die iedlung erreckt.

Ons dichta, hoher Tun ut Beton reckt nich meja. Dot Wuta schluppst schon ewa en naum emma noch tou. Wie ein rittendet Tier , met ludem Geruzh, kullaht dot derche Gausse, Jeckekse en naum aulles met.

Em Nubaschhof wuhnte miene Taunte. Ein losa Baum, de vom Strom jedrewe wurd, schlaug aunne Ackj vonne Veranda en ein Deil de Waund gind met.

Dot Wuta rand nen en felld dot Hus.

De Mama schluge vonne aundre Sie de Fensta rut,dot dot Wuta derch ranne kunn Dot wurd krittisch. Miene Mutta en t.Justine met 7 Kinga sulle die Hiesa veluhte, weil dot Hus weh onsecha. Jenumme wurde bloß Papir en Jelt, dot maun Tus haud.

Dot weh nich sou einfach derch dot Wuta tu guhne. De klanste Kinga oppem Ourm – die Aundre, aula aunne Haund jenumme. Wi jinge tu Hinge, ewre Jeckekse, wo dot Wuta schon nich sou veel Krauft haud.

Met hanfaule en oppstuhne, kaum wi glecklich oppet Dreje(aufs trockenene). Werent wi schleipe tu Nacht bi onse Oma wurd wieda jekämpft met dem Wuta bie ons Tus. En dot em distren, wo nuscht tuseine weh.

Tu Freischtick kaume mien Vuda en Onkel en sede, dot dot Wuta wajch weh, dot

onse Hiesa noch stuhne en dot dot eine schwore Nacht jewese weh. Dot distre en dot Wuta haude einem dot schwoa jemokt.

Eck ging tu School, en schreiw de Obeth Ols eck nu Hus ging,sach eck wot ver Schuude dot Wuta jingaluhte haud. Utjeschehlte Jeckekse en Gosse.Hia en doa lage sich Beim, Holt, Hussache, daudje Tiere (Fohkel, Schwien, Heina) rom.

Bim Stadion fung eck den einen Schou von Taunte Justine en naum dem met.

Dot sach ut!!!

Uba wi haude daut Gleck –onse Hiesa stunde, en wi were uck aulla aum Lewe.

Wann uck de Kjallasch volljerannt met Wuta, Mebel beschedicht were en veelet aundre – uba dot weh wada hantukrihje.

.....M.Hamm 2014